



Inserteza polítika iha ekonomia avansadu sira halo impaktu ba kresimentu Ázia-Pasífiku nian

Ekonomia Ázia-Pasífiku sira selu folin boot ba inserteza polítika ekonómiku no fiskál iha zona euro no Estados Unidos durante tinan lima foin liubá. *Levantamentu* ne'e halo estimasaun katak ida-ne'e envolve lakon porsentu 3 ba PIB Ázia-Pasífiku nian, iguál ba lakon produsaun \$870 billaun.

“Durante tinan balu foin liubá, ekonomia globál mak karakterizadu la'ós de'it hosi kresimentu neineik liu maibé mós hosi inserteza ekonómika aumenta. Prospeitu ekonómiku kurtu-prazu sai imprevizivel liu, ho revizaun tun-sa'e maka'as ba projesaun kresimentu. Inseteza polítika iha ekonomia dezentolvidu nu'udar faktór prinsipál ne'ebé kontribui ba ambiente hanesan ne'e,” hatete *Levantamentu* ne'e.

Inseteza iha ekonomia avansadu sei atraza despeza konsumidór no expansaun komérsiu, restrita fluksu kréditu no provoka influksu masivu no sai derrepente ba kapitál esternu, liuliu iha ekonomia Ázia-Pasífiku emerjente.

Inseteza ekonómiku mós aumenta iha laran rejiaun Ázia-Pasífiku durante tinan foin liubá nia laran nu'udar evidente iha volatilidade índise bolsa-valóres loron-loron no sasán (ações) sai no tama fali lalais hosi inventóriu sira. Mudansa ba inventóriu nu'udar porsentu PIB mak maka'as liu durante 2008-2009 iha **Malázia, Repúblka Korea, Tailándia no Hong Kong (Xina)**.

Nivel volatilidade ekonómiku menus liu suporta kresimentu tanba hasa'e konfiansa ba merkadu no hamenus merkadu título nia susar. Iha **Filipinas, Turkia no Hong Kong (Xina)**, redusaun anuál estimadu iha PIB ne'ebé mosu tanba volatilidade ligadu ba inseteza ekonómiku iha rain dezentolvidu mak haree hanesan ho gama hosi porsentu 7 to'o 9. Análize ESCAP nian hatudu katak melloramentu relativamente ki'ik iha konfiansa merkadu no redusaun iha merkadu título no susar bele halo impaktu pozitivu boot ba kresimentu PIB.

Governu sira bele uza polítika fiskál no suportivu finanseiru kontrasfklku no pró-ativu atu hamenus impaktu negativu hosi inseteza polítika iha mundu dezentolvidu. Governu sira tenke halo dezentu polítika hirak-ne'e hodi nune'e medida sira mós resposta ba asuntu longu-prazu sira hanesan eskasés infraestrutura, inklui asesu ba enerjia modern, prezervasaun no melloramentu ba kapasidade maundobra no fallansu (defísitu) dezentolvidu sira-seluk.

Resposta polítika nivel rain nian hanesan ne'e bele haforte otimizmu iha merkadu no hamenus risku finanseiru. ESCAP nia estimasaun hatudu katak polítika fiskál no finanseiru pró-ativu bele, tuir medianu, hamenus porsentu 75, lakon ba produsaun ekonómiku ne'ebé mosu tanba inseteza polítika iha rain dezentolvidu no hamenus lakon ba empregu ne'ebé mosu nu'udar konsekuénsia.

Nune'e, iha estimasaun katak empregu ba ema na'in-2,6 millaun kada tinan bele salva iha **Xina** no to'o hanesan 800,000 kada tinan iha **Federasaun Rúsia** liuhosi utilizasaun polítika pró-ativu atu kontra impaktu hosi inseteza polítika ekonómiku iha rain dezentolvidu.